

諭

旨

庚戌正月

正月初二日內閣奉

上諭莊親王載功著加恩賞戴三眼花翎欽此 同日奉
上諭豫親王懋林前得罰俸處分著加恩寬免欽此 同
日奉

上諭上年順天直隸各屬被災地方業經分別蠲緩糧租
小民諒可不至失所惟念今春青黃不接之時民力未
免拮据加恩著將被災歉收之武清等州縣廳各村莊
應徵本年春賦地丁錢糧等項並原緩宣統元年及節
年地丁錢糧等項分別緩至本年麥後及秋後啟徵其
坐落武清天津二縣地方之津軍廳葦漁課納糧地畝
並歸入該二縣災歉村莊一律辦理以紓民力該督即
按照原奏開明詳細數目刊刻謄黃徧行曉諭務使實
惠均霑毋任吏胥舞弊用副朝廷履端布圖嘉惠畿疆
之至意欽此

諭旨

正月初三日內閣奉

上諭吉林度支使陳玉麟著開缺送部引見欽此 同日
奉

上諭吳重燾奏特參庸劣不職各員一摺河南候補通判
白榕性情懶惰人亦平庸候補知縣應桂馨人不安分
聲名惡劣准補黑岡管河縣丞車鉞宗旨不正久未回
工榮澤縣管河縣丞陳謙請咨赴引二年餘未曾回工
靈寶縣縣丞鄭榕任性妄為民不堪擾候補縣丞方培
東年老多病難期振作固始縣往流集巡檢國文魁縱
子為非頗滋民怨候補巡檢程霖調驗不到候補典史
曹蘊鏡浮躁多事永城營虞城汛千總高良發擅離職
守歸德鎮右營歸併左營候補把總赫連恭禮募勇
糧舞弊營私均著即行革職候補知縣鄭振軒嗜好未
除有意規避候補縣丞稽爾楫嗜好已深兼滋物議均
著革職永不敘用候補副將石慶藩前管帶防營御下
不嚴操防未能得力著以游擊降補該部知道欽此

二十七

庚戌

諭 旨

正月初四日內閣奉

上諭上年山東被災各州縣業經分別蠲緩錢漕小民諒可不至失所惟念今春青黃不接之時民力未免拮据加恩著將被災之濟甯等州縣各村莊應徵本年上忙錢漕租課等項均分別緩至本年麥後及秋後啟徵其坐落該州縣境內之寄莊竈課與裁併衛所並永利等場均隨同民田一律辦理以紓民力該撫卽按照單開詳細數目刊刻謄黃徧行曉諭務使實惠均霑毋任吏胥舞弊用副朝廷陽和布澤惠愛羣黎之至意該部卽遵諭行欽此

正月初七日內閣奉

上諭鐵良奏假期屆滿病仍未痊懇請開缺一摺鐵良著再賞假一個月毋庸開缺陸軍部尙書著壽勳署理欽此 同日奉

上諭岑春煊奏查明澧州南洲等州廳縣被水田畝請分別蠲緩遞緩錢漕蘆課等項一摺湖南上年五月間永

二十八

二月

順等府霪雨兼旬山水暴發建甌直下沅西資澧諸水亦一同泛漲澧州等屬田廬被淹秋收均形歉薄若將應徵錢漕蘆課等項照常徵收民力實有未逮加恩著照所請所有澧州南洲安鄉等州廳縣均著按照被災輕重情形將應徵錢漕蘆課等項分別蠲緩遞緩以紓民力該撫卽將所開詳細數目刊刻謄黃徧行曉諭務使實惠及民毋任吏胥舞弊用副朝廷軫念民艱之至意餘著照所議辦理該部知道欽此

正月初八日內閣奉

上諭陸軍部左侍郎著那晉署理欽此

正月初九日內閣奉

上諭張人駿等奏江甯等屬秋禾被災請將新舊錢糧分別蠲緩一摺江蘇江甯等屬上年入夏以來連遭霪雨湖河泛漲田畝多被淹浸收成歉薄若將新舊錢糧照常徵收民力實有未逮加恩著照所請所有海州贛榆二州縣及上元等二十六州縣廳同淮安等四衛屯田

歸併各該州縣被災田地應徵上年地丁等項錢糧均著分別蠲緩其上元等州縣應節年未完原緩遞緩各款均著分別展緩帶徵以紓民力該督等即照所奏詳細開明區圖村莊頃畝數目刊刻謄黃徧行曉諭務使實惠均霑母任吏胥舞弊用副朝廷軫念民艱至意

餘著照所議辦理該部知道欽此 同日奉

上諭張人駿等奏蘇州等屬秋收歉薄請將應徵錢漕分別蠲減緩徵一摺江蘇蘇州等屬上年入夏以來霖雨連綿山水下注田禾半被淹沒秋後又復亢晴收成均形歉薄若將應徵錢漕照常徵收民力實有未逮加恩著照所請所有長洲等二十八州縣拋荒坍廢等田銀米吳江等六縣被淹無收田銀米震澤等二縣被淹無收及未種各田銀米同新陽縣蘆價田條銀溧陽等縣被淹被旱無收漕屯各田銀米崑山等二縣拋荒蘆價田條銀丹陽等二縣被淹無收蘆田課銀靖江縣被歉無收漕田銀米同蘆田課銀陽湖等縣被淹災田下

諭旨

忙條銀及漕米暨溧陽縣上忙條銀一律全行蠲免毋徒等縣歉收田條銀漕米各等項均著分別減免以紓民力餘著照所議辦理該督等即照所奏詳細開明區圖村莊頃畝及應行蠲免細數刊刻謄黃徧行曉諭務使實惠均霑母任吏胥舞弊用副朝廷軫念民艱至意該部知道欽此

正月十一日內閣奉

上諭張人駿奏考察屬員秉公舉劾一摺江蘇江甯府知府楊鍾義揚州府知府嵩峒徐 府知府田賡署泰州知州趙興鑿署桃源縣知縣陳杭署陽山縣知縣左杖周既據該督臚陳政績均著傳旨嘉獎江蘇候補道桂運熙狎妓聚賭舉止輕佻候補知府萬德潤久辦釐捐誤公肥己候補直隸州知州龔寶琛行為卑鄙罔顧廉隅正任丹陽縣知縣羅良鑑失察櫃書浮收不恤民情幾釀巨案候補知縣陳亮恭經理電燈官廠採辦朦混操守難信署泰興縣印莊司巡檢試用州吏目馬家豐

二十九

庚戌

諭 旨

行爲狡詐不堪造就候補布理問陶揚嘉素行無賴改名誣告同寅抗傳匿審候補巡檢呂康齡逃荒唐冠裳不齒候補巡檢徐輔臣性嗜鴉片聞知檢束候選巡檢孟平前帶巡防隊冶游賭博紀律不嚴准補江南內洋水師通州營遊擊龔先第顛倒是非居心險詐均著即行革職陶揚嘉呂康齡並著驅逐回籍交地方官嚴加管束沛縣知縣李緒田才欠開展人地不宜著開缺另補候補知府姚繩武前辦統捐因仍舞弊告誡不除著以通判降補前署句容縣知縣姚祖義辦事操切釀成命案候補知縣朱永錫勘丈屯田不實虧欠公款均著以府經歷縣丞降補該部知道欽此 同日奉

上諭前福州將軍景星由部屬簡放道員歷任按察使布政使荐擢湖北巡撫福州將軍均能克勤厥職當因患病准予開缺回旗調理嗣經派充資政院協理大臣禁煙大臣辦理一切悉臻妥協茲聞濫逝軫惜殊深加恩著照將軍例賜卹任內一切處分悉予開復應得卹典

三十

二月

該衙門察例具奏伊子蔭琦著以郎中補用欽此

正月十二日內閣奉

上諭二月初四日祭 社稷壇遣載功恭代行禮欽此

正月十六日內閣奉

上諭西藏達賴喇嘛阿旺維布藏吐布丹甲錯濟察汪曲却勒朗結夙荷 先朝恩遇至優極渥該達賴具有天良應如何虔修經典恪守前規以期傳衍黃教乃自執掌商上事務以來驕奢淫佚暴戾恣睢爲前此所未有甚且跋扈妄爲擅違朝命虐用藏衆輕起釁端光緒三十年六月間乘亂潛逃經駐藏大臣以該達賴聲名狼藉據實糾參奉 旨暫行革去名號迨達賴行抵庫倫折回西甯朝廷念其遠道馳驅冀其自新悛改飭由地方官隨時存問照料前年來京展覲 賜加封號 錫賚駢蕃並於起程回藏時派員護送該達賴雖沿途逗遛需索騷擾無不量予優容曲示體恤寬既往而策將來用意至爲深厚此次川兵入藏專爲彈壓地方保護

開埠藏人本無庸疑慮詎該達賴回藏後布散流言藉端抗阻誣詆大臣停止供給疊經剴切開導置若罔聞前據聯豫等電奏川兵甫抵拉薩該達賴未經報明即於正月初三日夜內潛出不知何往當經諭令該大臣設法追回妥為安置迄今尚無下落掌理教務何可迭次擅離且查該達賴反覆狡詐自外生成實屬上負國恩下辜衆望不足為各呼圖克圖之領袖阿旺羅布藏吐布丹甲錯濟寨汪曲却勒朗結著即革去達賴喇嘛名號以示懲處嗣後無論逃往何處及是否回藏均視與齊民無異並著駐藏大臣迅即訪尋靈異幼子數人繕寫名籤照案入於金瓶掣定作為前代達賴喇嘛之真正呼畢勒罕奏請施恩俾克傳經延世以重教務朝廷彰善癉惡一秉大公凡爾藏中僧俗皆吾赤子自此次降諭之後其各遵守法度共保治安毋負朕綏靖邊疆維持黃教之至意欽此 同日奉

上諭御史江春霖奏參慶親王奕劻一摺朝廷虛衷納諫

諭旨

博採羣言然必指陳確實方足以明是非該御史所奏直隸總督陳夔龍為奕劻之乾女婿安徽巡撫朱家寶之子朱綸為載振之乾兒各節果何所據而言著江春霖明白回奏欽此

正月十七日內閣奉

上諭御史陳善同奏直省州縣調委紛紜妨害吏治請申明定章以資整頓一摺州縣為親民之官必須久於其任方足以專責成現在各直省調委各缺其為地擇人者固所時有其為屬員調劑缺分規避處分亦難保必無嗣後該督撫等務當遵照定章調委各員不得過寬缺十分之二仍於每季彙奏開單聲明毋得視為具文如實有人地相需者准其體察情形分別改補調補俾得各理各任以重地方欽此 同日奉

上諭河南開封府知府員缺緊要著該撫於通省知府內

揀員調補所遺員缺著徐承焜補授欽此

正月十八日內閣奉

諭 旨

上諭克勤郡王崧杰承襲王爵入直當差前因患病開去差使賞假調理茲聞溘逝軫惜殊深著賞給陀羅經被派貝勒毓朗帶領侍衛十員即日前往奠醊所有飾終典禮該衙門察例具奏欽此 同日奉

上諭協辦大學士尚書戴鴻慈忠清亮達學識闊通由翰林疊掌文衡洊陟清要擢任正卿均能恪盡厥職考察政治尤能抉擇精微有裨憲法朕御極後優加倚畀傳參機務晉協綸扉夙夜靖共深資擘畫前因偶患微疴賞假調理方冀醫治就痊長承恩眷遽聞溘逝軫惜殊深著賞給陀羅經被派貝子溥倫帶領侍衛十員即日前往奠醊加恩賞加太子少保銜照大學士例賜卹入祀賢良祠賞銀二千兩治喪由廣儲司給發任內一切處分悉予開復應得卹典該衙門查例具奏靈柩回籍時沿途地方官妥為照料伊子一品廕生戴曾謬著以郎中補用用示篤念盡臣至意欽此 同日奉

上諭徐世昌著以郵傳部尚書協辦大學士欽此 同日

奉

上諭內閣學士吳郁生著在軍機大臣上學習行走欽此 同日奉

上諭前據御史江春霖奏參慶親王奕劻一摺牽涉瑣事羅織多人朝廷早鑒其誣妄其中謂陳夔龍為奕劻之乾女婿朱家寶之子朱綸為載振之乾兒尤屬荒誕不經當即諭令明白回奏茲據覆奏率以數十年前捕風捉影之事及攻訐陰私之言皆屬毫無確據恣意牽扯謬妄已極國家設立言官原冀其指陳得失有裨政治若如該御史兩次所奏實屬秀言亂政有妨大局親貴重臣固不應任意詆誣即內外大臣名譽所關亦不當輕於污讒似此信口雌黃意在沽名實不稱言官之職江春霖著回原衙門行走以示薄懲欽此 同日奉
上諭湯壽潛奏父老且衰勢難就養懇請開缺一摺江西提學使湯壽潛著准其開缺欽此 同日奉
上諭湖南永州鎮總兵員缺著馬文翰補授欽此

正月十九日內閣奉

上諭前經諭令建言諸臣毋得懷挾私見及毛舉細故倘敢任意嘗試必予懲處該言官等應如何敬謹懷遵乃昨據御史江春霖奏參慶親王奕劻並明白回奏各摺牽涉瑣事羅織多人以毫無確據之言肆意誣讎殊屬有妨大局本應予以重懲姑念該御史平日嚮直尙無劣迹是以從寬祇令其回原衙門行走朝廷於用舍大權斟酌至當毫無容心茲據陳田趙炳麟胡思敬等奏請收回成命暫予優容留任効用之處著毋庸議欽此

同日奉

上諭江西提學使著王同愈補授欽此

正月二十日內閣奉

上諭朱家寶奏甄別屬員分別獎懲一摺安徽徽州府知府劉汝驥廬江縣知縣馬文錦太和縣知縣田毓璠婺源縣知縣魏正鴻既據該撫臚陳政績均著傳旨嘉獎
穎州府知府鳳林年力就衰神思恍惚著以原品休致

諭旨

祁門縣知縣杜英才遇事因循差役滋擾前署霍邱縣補用知縣董玉書緝捕無能幾肇事變前署含山縣補用知縣李光綸才識庸懦事多廢弛蒙城縣知縣齡安馭下無方差役越境爲盜未能覺察前辦丈州局委員試用知縣曹述誥氣質粗暴濫刑以逞試用縣丞王廷勳充正陽關巡官濫責苛罰不恤怨讟桐城縣馬踏巡檢林承法儒怯無能操守難信前署宿松縣典史試用巡檢周鏡鹵性情浮躁擅離職守前代理宿松縣典史試用巡檢賈寅熙聲名平常罔知檢束前署潛山縣天堂寨巡檢劉章浩藉案需索物議頗滋試用巡檢高國綬借差逞兇被控有據均著即行革職署黜縣知縣知縣閻希仁署合肥縣黜縣知縣胡汝霖盜案迭出未能一律破獲均著摘去頂戴勒限緝捕餘著照所議辦理該部知道欽此 同日奉

上諭湖北提督著張彪補授欽此 同日奉

上諭安徽穎州府知府員缺著長紹補授欽此

三十三

庚戌

諭 旨

正月二十一日內閣奉

上諭四川松潘鎮總兵員缺著開泰補授欽此 同日奉

上諭安徽巡警道員缺著卞緒昌補授安徽勸業道員缺

著童祥熊補授欽此

正月二十三日內閣奉

上諭給事中忠廉等奏言路無所遵循請明降諭旨一摺

前因御史江春霖以毫無確據之言肆意瀆陳殊失建

言大體諭令回原衙門行走以示懲懲茲據該給事中

等奏稱請飭仍遵 欽定臺規 列聖諭旨辦理等語

覽奏殊多誤會朝廷優待言官凡有切實指陳無不虛

衷採納詎有抑遏言路之心況我朝 列聖廣開言路

凡有條陳得當無不虛衷嘉納其參劾失實者亦必予

以譴責詳載臺規該給事中等當共知之嗣後仍宜恪

遵 祖訓謹守臺規凡遇民生疾苦官吏貪橫諸大端

務當據實陳奏如立言得體必立予施行用副朕博採

羣言虛懷納諫之至意將此通諭知之欽此

正月二十四日內閣奉

上諭二月十一日祭 朝日壇遣懋林恭代行禮欽此

正月二十九日內閣奉

上諭君臣為千古定名我朝滿漢文武諸臣有稱臣稱奴

才之分因係舊習相沿以致名等各異恭讀 高宗純

皇帝諭旨奴才即僕僕即臣本屬一體嗣後凡內外滿

漢諸臣會奏公事均著一體稱臣等因欽此 祖訓煌

煌允宜遵守況當此預備立憲時代尤宜化除成見悉

泯異同嗣後內外滿漢文武諸臣陳奏事件著一律稱

臣以昭畫一而示大公將此通諭知之欽此 同日奉

上諭軍機大臣上學習行走內閣學士吳郁生著加恩在

紫禁城內騎馬欽此

交 旨

正月初十日軍機大臣欽奉

諭旨籌辦海軍大臣貝勒載洵等奏派海軍顧問官一摺

道員嚴復伍光建魏瀚鄭清濂均著派充籌辦海軍事務處顧問官欽此

正月十一日軍機大臣欽奉

諭旨管理陸軍貴胄學堂員勦載潤等奏酌擬陸軍貴胄學堂章程及蒙旗世爵班監學專章繕單列表呈覽一摺著依議又奏刊刻管理陸軍貴胄學堂事務關防并銷燬前發總辦關防一摺知道了欽此

正月十四日軍機大臣欽奉

諭旨廣西京官唐景崇等奏粵商承鹽加餉西省受害最深請飭詳慎核議一摺著該衙門歸併前案妥議具奏欽此

正月十八日軍機大臣欽奉

諭旨呂海寰等奏酌擬中國紅十字會試辦章程請立案一摺著派盛宣懷充紅十字會會長餘依議該衙門知道欽此

正月十九日軍機大臣欽奉

諭旨員勦載潤奏開用陸軍貴胄學堂關防一摺知道了欽此

正月二十一日軍機大臣欽奉

諭旨修訂法律大臣沈家本等奏編定商民各律照章派員分省調查一摺著依議欽此 同日奉

諭旨左翼監督麟光奏稅務截算上年九個月經徵數目並開支各款飭部核議開單呈覽其盈餘銀兩應交何處一摺著度支部議奏盈餘銀兩著交廣儲司欽此 同日奉

諭旨右翼監督兜欽奏稅務截算上年九個月經徵數目並開支各款飭部核議開單呈覽其盈餘銀兩應交何處一摺著度支部議奏盈餘銀兩著交廣儲司又奏撥還部墊銀兩一片著依議該部知道欽此

正月二十二日軍機大臣欽奉

諭旨給事中陳慶桂奏粵鹽加價藉抵賄餉宜妥籌辦法一摺著該衙門歸併前案妥議具奏欽此

交 旨

三十五

庚戌

交 旨

三 十 六

二 月

正月二十四日軍機大臣欽奉

未便請飭部核議仍照舊章辦理一摺著度支部議奏

諭旨法部奏酌擬死罪施行詳細辦法一摺著憲政編查

欽此

館議奏欽此 同日奉

正月二十八日軍機大臣欽奉

諭旨御史崇芳奏同姓為婚未可弛禁一摺著修訂法律

諭旨陸軍部奏遵設憲政籌備處並陳明分期籌備大概

大臣覆核具奏欽此

情形一摺又奏核訂軍備專章宜因時變通一片均著

正月二十五日軍機大臣欽奉

軍諮處知道欽此

諭旨陸軍部奏議覆趙爾巽等奏甯遠遼山吏務肅清請

正月二十九日軍機大臣欽奉

獎一摺建昌鎮總兵田振邦著賞給提督銜餘依議欽

諭旨貝勒載洵等奏恭報 崇陵開工日期一摺知道了

此

又奏派監修各員一片著依議欽此

正月二十七日軍機大臣欽奉

諭旨農工商部會奏核覆前協辦大學士戴鴻慈奏興利

實邊一摺著各該衙門隨時會商東三省督撫妥籌辦

理欽此 同日奉

諭旨郵傳部奏勸明開徐海清路線情形籌擬及時興辦

一摺知道了欽此 同日奉

諭旨御史石長信奏皖省丁漕加捐改錢為銀民情實多